

Kalaallit Nunaanni inuttalersuineq sulisunillu ilinniartitsineq pillugu iliuusissatut pilersaarut

Aallaqqaasiut

Kalaallit Nunaanni kilisaatinik ingerlatsineq ukiuni 20-25-ni kingullerni ingerlertortumik ineriartorpoq. Kilisaatit mikisut anginngitsut tunisassiorfittallit tunisassiorfittaqaanngitsulluunniit sionatigut amerlapput, kilisaatilli massakkut ikinnerupput anginerujussuullutilli tamarmillu tunisassiorfittaqaarlutik.

Anginerusunik kilisaateqalerneq pissutigalugu naammassisaqarsinnaaneq, nutaalianik teknikkikkut atortoqarneq kiisalu ilinniarluarsimasunik pikkorissunillu suliosqarneq pillugit piumasaqaatit sukannerulerernerannik kinguneqarpoq.

Tassa imaappoq, kilisaatit pitsaasumik isumannaatsumillu ingerlanneqarnissaat qulakkeerumallugu piukkunnaateqarluartunik inuttalersorneqarnissaat kilisaatileriffimmit pinngitsoorneqarsinnaanngillunnarpoq.

Inuttalersuinermi massakkut tunngavik ukiullu 15-it matuma siorna tunngavik

Aqumiut Kalaallit Nunaanni kilisaatini ullumikkut inuttaasut "alliarturnerat" kingumut qiviaraanni takuneqarsinnaavoq Kalaallit Nunaanni kilisaatitoqqani massakkut takussaajunnaaersuni inuttaasarsimasut. Tamanna ilinniarfiit inuttassanik "nalinginnaasumik" pissarsiffiusartut ikilerujussuarnerannik inuttanillu naleqquttumik piukkunnaatilinnik pissarsiniarnerup ajornarneruleranik kinguneqarpoq. Royal Greenlandip kilisaataataani aqumiut ukiui agguaqatigiisillugit 41, 7-imiit 46,9-mut qaffapput, tamannalu inuusuttut inuttanngortartut amerliartunnginnerannut kinguaariilli aamma nikikkiartornerannut tikkuussisuuvoq. Taakkualu iliuuseqarfigilertugassatut isigineqartariaqarput. Inuttat agguaqatigiisillugit ukiui qaffakkartornerat imatut agguataarneqarpoq:

- Aquttut (kilisaammi naalakkat aquttuunerillu) 2013-imi agguaqatigiisillugit 50,38-nik ukioqarput, 8,02-millu qaffassimavoq
- Maskiinalerisut (MC aamma mistaliunerit) 2013-imi agguaqatigiisillugit 46,15-inik ukioqarput, 3,62-imillu qaffassimavoq
- Tunisassiorfimmi ingerlatsisut 2013-imi agguaqatigiisillugit 46,40-nik ukioqarput, 7,38-millu qaffassimavoq

Pisariuvoq piginnaaneqarnissarlu pisariaqarpoq

Kilisaatini inuttat ukioq ataatsimiit ukiunut pingsasunut sivisussusilimmik ilinniagaqarsimasuunissaat piumasaqaataavoq, kilisaatinili inuttaaniaraanni misilittagaqarnissaq aamma piumasaqaataavoq. Kilisaatersornermik ilisimasalitutt taaneqarsinnaajumalluni inuttallu aqutsisuattut (soorlu qalulerisutut) atorfinitsinneqarsinnaajumalluni sivikinnerpaamik ukiuni pingasuniit tallimanut sivisussusilimmik imarsiortuusimanissaq pisariaqartoq aalisartunit amerlanernit naluneqaanngilaq. Piumasaqaatillu taaneqartut tunisassiorfittaani atorfeqarluni inuttaajumagaanni aamma atuupput. Tassa imaappoq, aalajangersimasumik suliaqartussanik suliseriikkanik inuttalersuineq ilinniartitsinerlu pillugit suliniummik aallartitsisoqareeraluartoq angusaat aatsaat ukiut sisamaniit arfineq-pingasut qaangiukkaangata takuneqarsinnaasarput. Kilisaammi suliamik aqutsisinnaajumalluni aqutsisuullaqqittariaqarpoq inunnullu attaveqallaqqissuusariaqarpoq, tamatumanilu kilisaatip qaavani tunisassiorfittaani luunniit inuttaaneq apeqqutaatinneqarnani piumasaqaatit inuttanut tamanut atuupput. Inuttat qaammatit marluk angullugit sivisussusilimmik kipsisuitsumik imminnut najortarput, taamaattumillu sulitilluni suliamik "nakkutiginniinneq" naammanneq ajorpoq. Qiimmassimaartitsisinnaasoqartariaqarpoq sulinermiluunniit ileqqorissaartitsisinnaasoqartariaqarpoq, aqumiummi sulineranni sulinnginnerannilu pissuserisaarnissaannut pingaaruteqarluinnartarmat.

Royal Greenland tassaavoq The North Atlantic Champion

Royal Greenland Atlantikup Avannaata imartaani aalisarnermi kilisaataatillit akornanni sallerajaannarnikuullunilu ataqqineqarnerpaajuaannarnikuuvoq. Tamannalu attakkumallugu unaminartullu toraartakkavut iliuuseqarfisinnaajumallugit siunissaq eqqarsaatigalugu pilersaaruserisupput, iliuusissatullu pilersaarutitta kilisaatit piginnaasaqarluartunik piukkunnaateqarluartunillu siunissami inuttalersorneqarnissaannut qulakkeernittuusaaq. Royal

Greenland aqumiussanik inuttalersuinerup ilinniagaqartitsinissallu tungaatigut kisimi ajornartorsiuteqanngilaq, Kalaallit Nunaannili umiarsuaatileqatigiiffinnit tamanit annertuumik aamma ajornartorsiuteqarfigineqarpoq. Royal Greenlandili ajornartorsiut iliuuseqarfigaa.

Takorluugaq

Kilisaatit oqartusaasut pisisartullu piumasaqaataat tamaasa naapertorlugit inuttalersorneqassapput. Kilisaatit pitsaassusilerinermik qulakkeerinninnerup, imaani isumannaallisaanerup aamma avatangiisinik eriaginninnerup tungaatigut sallerasaassapput. Royal Greenland suliffittut toqqassallugu pilerinartuussaaq.

Anguniagaq

Siunissaq ungasinnerusoq eqqarsaatigalu kilisaatit piukkunnaatilinnik aalisarnermillu inuussutissarsiuteqarnermi unamminartunik toraagaqarnissaminnut piareersimasunik inuttalersorneqarnissaat anguniagaavoq. Nunaqavissut ilinniagaqartinneqarnissaannut taamatuttaaq aalisarnermik inuussutissarsiuteqartut Kalaallit Nunaannilu ilinniarfiit qanimut suleqatigiillutik killigeqqusaat malillugit ilinniartinneqarnissaannut tunngatillugu piumasaqaatinik pilersitsisoqassaaq. Killigeqqusat piukkunnaatilinnik ataavartumik inuttalersuisoqartarnissaanut qulakkeerinneqataassapput.

Iliuusissatut pilersaarut

Iliuusissatut pilersaarummut atatillugu assigiinngitsut marluk tunngavigalugit tassa siunissaq qaninnerusoq ungasinnerusorlu eqqarsaatigalugit iliuusissatut pilersaaruteqarusuppugut. Siunissaq qaninnerusoq eqqarsaatigalugu iliuusissatut pilersaarusiornitsinni kissaatigaarput inuttalersuinermi inuussutitunik pisariaqartitserujussuarneq iliuuseqarfigineqassasoq. Piffissap sivikitsup ingerlanerani angusaqarfiussamik suliniummik aallartitserusuppugut.

Siunissaq ungasinnerusoq eqqarsaatigalugu iliuusissatut pilersaarutitsinni unamminartut aalisarnermik inuussutissarsiuteqartuusugut tamattaalluta toraartakkavut aamma pissutsit ullumikkut taamaatsillugit iliuuseqarfigineqarsinnaanngitsut iliuuseqarfigerusuppavut. Tamatumani siunissaq ungasinnerusoq eqqarsaatigalugu iliuusissatut pilersaarut Royal Greenlandip inuttassanik piukkunnaatilinnik qaqugukkulluunniit pissarsisinnaanissaanut aqutissiuusussaaq. Royal Greenlandip pingaartitai tunngavigalugit siunissaq ungasinnerusoq eqqarsaatigalugu iliuusissatut pilersaarut suliarineqassaaq.

Siunissaq qaninnerusoq eqqarsaatigalugu pilersaarut (ukiunut tallimanut)

Ajornartorsiutit siunissami qaninnerusumi iliuuseqarfigineqartussat:

- **Tunisassiorfimmi ingerlatsisunik/inuttat aqutsisuinik amigaateqarneq**
 - Aalisarnermik inuussutissarsiuteqarnermi pineqartunik inuttassaaleqisarneq nalinginnaasumik ajornartorsiutaasoq paasinarpoq, tamatumani iluunniit tunisassiornermi ingerlatsisussanik nunanit allaninngaanneersunik inuttalersuinissap ajornannginnerulernissaa anguniarlugu aalisarnermik inuussutissarsiuteqartut inuttalersuineq pillugu nalunaarut tunngavigalugu akuersissummik qinnuteqarsimapput.
 - Kilisaataatitsinni inuttat aqutsisut ilinniartinneqarnissaannut ilinniartitsisoqartitsineq
 - Tunisassiorfimmi ingerlatsisutut/inuttat aqutsisuattut piukkunnaatilinnik ilinniartitsineq
- **Aquttup aappaanik/qalulerisunik amigaateqarneq**
 - Qalulerinermik ilinniartitsineq pillugu Qalut Voninilu aaqqissuussineq
 - Kilisaammi ilinniartitsineq
- **Aalisarfiusuni nutaani aalisarnermik misilittagaqartunik inuttassaaleqineq**
 - Inuttaareersunik avitseqateqarluarneq
- **Piumasaqaatinik pitsaassusilerinermut tunngasunik malittareqqiineq**
 - Nammineq misissuineq, pikkorissartitsineq il.il.
- **Oqartussaasut piumasaqaataannik malittareqqiineq**
 - Imarsiortut tamaavimmik isumannaallisaaneq pillugu pikkorissarsimanermut uppernarsaammik 2014-imi januaarip aallaqqaataata kingorna peqassapput.

Siunissaq ungasinnerusoq eqqarsaatigalugu pilersaarut (ukiut tallimaniit ukiunut qulinut)

Aalisarnermik inuussutissarsiornermi periarfissat erseqqissarneqassapput, tamatumani ilinniagaqarnissamut ilinniagaqarnissamullu qinnuteqarnissamut pilersaarisooqassaaq. Imarsiornermik Ilinniarfik Nuummiiqqoq pilersinneqaqqammertorlu tapersersussavarput atorluarlugulu.

Kilisaatit piukkunnaatilinnik inuttalersorneqarnissaannut tunngaviusut makkuupput: Ilinniagaqarneq, misilittagaqarneq soqutiginninnerlu. Inuttat aqutsisuattut inuttaaniaraanni aqutsilluarsinnaaneq pingaaruteqarpoq. Taamaattumik siunissaq ungasinnerusoq eqqarsaatigalugu iliuusissatut pilersaarut pingaarnertut aallutani pingartinneqassaaq, makkuusuni:

- **Ilinniarsimasunik inuttalersuineq** - ilinniarfinni quppersagaaraqartitsineq, Royal Greenlandip nittartagaa atorlugu nittarsaassineq
- **Misilittagaqarluartunik inuttalersuineq** - sulisoreriikkatsinnik ukkatarisinnaasatsinnik inuttalersuineq, Navigatio Ruujaalerlu aqutigalugit nittarsaassineq
- **Aqutsisutut ilinniagaqartitsineq** - aqutsisutut pikkorissartitsineq ilinniartitsinerlu
- **Royal Greenlandimi sulinissamut soqutiginnilersitsineq** – soqutiginnilersitsineq atorfeqalernissamullu periarfissanik erseqqissaaneq.

Sulisoreriikkat ilinniagaqartinnissaat ilinniartinnissaallu iluatsittumik ingerlanneqassappata tamatumani inuiaqatigiit, umiarsuaatileqatigiiffiit kilisaatillu tungaaninngaanniit ataatsimut suliniuteqartoqartariaqarpoq.

Inuiaqatigiit ilinniarfeqartitsissapput ilinniagarlu pillugu killigeqqusanik pilersitsissapput.

Kilisaatit ilinniartitsinikkut misilittagaqartitsilissapput.

Umiarsuaatileqatigiiffiit orniginartumik suliffissaqartitsissapput suliffeqarfimmillu orniginartumik pilersitsissapput, atorfeqalernissamut periarfissanik soqutiginnilersitsissapput erseqqissaallutillu, ilinniartoqarnermut aqqissueqataassapput sulisunillu ukkatarineqartunik ilinniartitsissapput tapersersuissallutillu.

Nunami ilinniagaqarneq

Royal Greenland tunisassiorfinni tunisassiornermik suliaqarfiusartuni akunnermuliuttutut aqutsisunik ilinniarluarsimasunik ingammik fiskeriteknologinik pisariaqartitsivoq. Tunisassiorfinni sulisut 21-t fiskeriteknologitut ilinniagaqarusullutik nalunaarnikuupput. Amerlanerpaartaat inuusuttuupput ukiuni arlalinni sulisooreersut.

Fiskeriteknologitut ilinniarfik Esbjergimiittoq 2014-imi matunearpoq, Holstebro tekniske skole-mullu qaqugu nuunneqassanersoq ilisimaneqanngilaq.

Fiskeriteknologitut ilinniarnaq ukiunik marlunnik sivisussuseqarpoq, INUILI-milu Narsamiittumi procesteknikeritut ilinniagaq ineriartortinneqarluni fiskeriteknologitut ilinniakkamik ukioq manna 2015-imi taarserneqaleruttorpoq. Royal Greenlandimi sulisut fiskeriteknologitut ilinniagaqarnissaminnut qinnuteqaleruttortut fiskeriteknologitut ilinniakkamik 2015-imi aggustimi aallartitsissapput. Fiskeriteknologitut ilinniagaqarnissamut akuerisaajumagaanni aalisakkerineramik sivikinnerpaamik ukiuni marlunni misilittagaqarsimanissaq piumasaaqataavoq.

Fiskeriteknologitut ilinnikkamik ingerlatsinermi atuakkanik ilinniutissanik pisinermit aningaasartuuteqarnermut Royal Greenland tapiissuteqartassaaq. Tamatuma saniatigut ilinniartut ilinniakkaminnik nammassinnereerunik suliffigisimasaminnut uternissaannut neqeroorfigitissapput.

Royal Greenlandimi ilinniartut

Kalaallit Nunaanni Uummannami, Ilulissani, Qasigianguani, Sisimiuni, Maniitsumi, Nuummi Paamiunilu Royal Greenlandimi ilinniartut pillugit paasissutissat:

	2011	2012	2013	2014	2015	2016	2017	2018	2019	2020	2021	2022	2023	2024
NI-2	1	1	2	2	2	3	3	3	3	3	3	3	3	3
Assartugalerineq		1	1	1	1	1	1	2	2	2	2	2	2	2
Motoorilerisoq		1	3	4	4	4	4	4	4	4	4	4	4	4
Saffiooq	1	3	5	6	8	12	12	12	12	16	16	16	16	16
Biillierisoq		1	1	1	1	1	1	1	1	1	1	1	1	1
Innaallagisserisoq	2	6	7	4	7	8	8	8	10	10	10	10	10	10
Quersuarmi sulisoq					2	2	6	6	10	10	10	10	10	10
Kantiinami sulisoq	1	2	3	4	5	5	7	7	9	9	9	10	10	10
Mistali	3	3	4	5	4	4	4	4	4	4	4	4	4	4
Fiskeriteknologi				9	10	10	10	10	10	10	10	10	10	10
Angallammi naalagaq			3	6	10	10	10	10	10	10	10	10	10	10
Internat.trainee														
Imarsiorneq			5	14	15	15	15	15	15	15	15	15	15	15

Tamatuma saniatigut Svenstrupimi Nuummilu traineetut 2012-imili ukiut ingerlaneranni ilinniartut arlaliupput.

Kisitsisit takutippaat ilinniartut amerliartupiloortut, immikkoortortanilu allani soorlu quersuarmi allaffimmilu ilinniartoqarneq pillugu nutaanik iliuusissatut pilersaarusiortoqarnera pissutigalugu ilinniartut ukiuni tulliuuttuni suli amerliartuinnarnissaat ilimagineqarpoq. Immikkoortut amerlanerpaartaat tamarmik immikkut sapinngisamik katillugit ukiumut marlunnik ilinniartoqartarnissaat anguniarneqarpoq, taamaasilluta ukiup ataatsip ingerlanerani marlunnik ataatsikkut ilinniartoqarnata ukiulli marluk ingerlaneranni ataavartumik taarseraattunik - tamatumani atuariartoqqippata sulisut marluk ataatsikkut sulisoriuunnarnerannik kinguneqanngitsumik - ilinniartoqartassagatta. Ilinniartup aappaa atuariartoqqippat aappaa atuarfimmiit suliartoqqittassammat.

Ilinniartunik amerlisaaneq

Ilinniartunik amerlisaanikkut ilinniartut 40-t missaat ukiut marluk-pingsut tulliuuttut ingerlaneranni ilinniartorisinnaavavut. Fiskeriteknologit ilinniartut ilanngukkutsigit pilersaarut malillugu ilinniartuvut 50-it missiliussavaat. Erseqqissaatigineqassaarli fiskeriteknologit ilinniartut RG aqqutigalugu ilinniakkaminnik ingerlatsinerannut atatillugu fiskeriteknologit suliffimminnut uternissaat anguniarlugu ilinniakkaminnik ingerlatsinerminni suliffimmik misiliineq ajornata.

Anguniagaq

Atorfiit ilinniarsimasunik siunissami inuttalerneqarnissaat anguniarlugu ilinniartut sapinngisamik amerlanerpaat ilinniakkaminnik naammassinninnissaat anguniarneqassaaq, taamaasilluta piffissamik asiutitsisarnerit tunisassianillu igitsisarnerit pinngitsoortinnerisigut angusaqarluarnerusinnaagatta.

Suliamik ingerlatsinitta pitsaanerulernissaa anguniarlugu sulisut pikkorissartitsinernut assigiinngitsunut peqataatinneqartarnerannut aningaasartuuteqangaatsiartarpugut/sulisut arlallit atorineqartarput. Sulisoreriikkanillu sapinngisamik amerlanerpaamik ilinniagaqartitsinikkut ikilisinneqarsinnaapput. Tamatumunngalu atatillugu inuit nunami imaanilumi aalisakkerinermik suliaqarnissaminnut soqutiginnilluartunik inuttassarsiorneq ajornakusoorluinnarmat suliniuteqarpugut.